



«Toshkent issiqlik markazi»
Davlat unitar korxonasi

**DIREKTORINING
BUYRUG'I**

«29» 03 2022 y. № 48

Toshkent sh.

«O'zbekiston Respublikasining 2021yil 22 apreldagi O'RQ – 684- sonli «Davlat xaridlari to'g'risidagi» Qonuni, Toshkent sh Hokimining 2022yil 15 martdagi 262-14-Q/22- sonli Qarori talablari ijrosini ta'minlash to'g'risida»

O'zbekiston Respublikasining 2021yil 22 apreldagi O'RQ – 684- sonli «Davlat xaridlari to'g'risidagi» Qonuni, Toshkent sh Hokimining 2022yil 15 martdagi 262-14-Q/22- sonli Qarori, «Toshkent issiqlik markazi» DUKning 2022 yil 18 yanvardagi 13-sonli Buyrug'i talablari ijrosini samarali ta'minlash, hamda davlat xaridlari uchun ajratilgan moliyaviy mablag'lardan oqilona foydalanish va davlat xaridlari sohasida korrupsion qonun buzilishlariga yo'l qo'ymaslik maqsadida


BUYURAMAN:

1. Bosh muhandis (Z.E.Jalilov), direktor o'rinbosari (H.Gaibnazarov) O'zbekiston Respublikasining 2021yil 22 apreldagi O'RQ – 684- sonli «Davlat xaridlari to'g'risidagi» Qonununing 71 moddasi «To'g'ridan-to'g'ri shartnomalar bo'yicha davlat xaridlarini amalga oshirish tartibi»ga muvofiq mazkur xarid turini qo'llash qat'iy cheklanganligi sababli,(tovar, ish, xizmat bo'yicha) to'g'ridan-to'g'ri shartnomalarni maqsadli tuzilishi ustidan nazorat yuritilsin. To'g'ridan-to'g'ri shartnomalarni tuzish ishlari qat'iy O'zbekiston Respublikasi Prezidentining 2018 yil 27 sentyabrdagi PQ-3953-sonli Qaroriga muvofiq tasdiqlangan(1-sonli ilova) ro'yxatga muvofiq amalga oshirilsin.
2. To'g'ridan-to'g'ri har bir shartnoma loyihasini ishlab chiquvchi bo'lim, xizmat boshliqlari, loyiha ro'yxatga olingandan so'ng 3 kun muddat ichida shartli ravishda Xaridni tashkillashtirish bo'limiga taqdim etilsin.
3. Xaridni tashkillashtirish bo'limi muhandisi (D.Tadjibayeva) to'g'ridan-to'g'ri tuzilgan shartnomalarning natijalari o'rnatilgan tartibda, o'z vaqtida maxsus axborot portali (xarid.uzex.uz) da joylashtirilsin.

4. Yuridik bo'limi boshlig'i (U.Raxmankulov) barcha turdagi tuzulayotgan shartnoma loyihalarining tuzilish shakli va mazmuni O'zbekiston Respublikasining 1998 yil 29.08dagi O`RQ – 670- sonli «Xo`jalik yurituvchi sub`yektlar faoliyatining shartnomaviy- huquqiy bazasi to`g`risida» gi Qonuniga muvofiqligi ustidan tekshirib chiqilgan holda nazorat amalga oshirilsin.

5. Ushbu buyruq bajarilishini nazorat qilishni o`z zimmamda qoldiraman.


Direktor

 **SH.R. Sultonov**


Loyiha tayyorladi:

 A.N.Muxamedov

Loyiha kelishilgan:

 H.R.Gaibnazarov

 N.M.Bektimirova

 U.A.Raxmankulov

Tarqatilsin: Umumiy bo`lim, XBB, yurist, buxg., barcha bo`linma va sexlarga.

**Davlat buyurtmachilari tomonidan to'g'ridan to'g'ri shartnomalar bo'yicha xarid
qilinadigan tovarlar (ishlar, xizmatlar)
RO'YXATI**

1. Qonun hujjatlariga muvofiq O'zbekiston Respublikasining alohida maxsus savdo maydonchalaridagi elektron (birja) savdolari natijalariga ko'ra xarid qilinadigan tovarlar (ishlar, xizmatlar).

2. Davlat buyurtmachisi faoliyatini amalga oshirish bilan bog'liq xizmat safarlari uchun va boshqa holatlardagi chiptalar (avia, temir yo'l va yo'nalish transportiga).

3. Davlat buyurtmachisi faoliyatini amalga oshirish bilan bog'liq xizmat safarlari va boshqa holatlardagi yashash xarajatlari.

4. Avval tuzilgan shartnomalardagi yetkazib beruvchilar bilan aloqa, internet va teleradiouzatish xizmatlari bo'yicha xaridlar.

5. Boshqa yetkazib beruvchi tomonidan xizmat ko'rsatish imkoniyati bo'lmagan taqdirda, yetkazib beruvchi tomonidan avval olib kelingan tovarlar (ishlar, xizmatlar)ga kafolat muddati tugagandan keyin va joriy xizmat ko'rsatish (ehtiyot qismlarni xarid qilish), shuningdek, avval xarid qilingan dasturiy mahsulotni kuzatish va (yoki) uni funksional kengaytirish.

6. Giyohvand vositalar va psixotrop moddalarni saqlash va olib kirish (olib chiqish).

7. Bank (banklararo) xizmatlar va operatsiyalar.

8. Mualliflik nazorati (hamrohligi) bo'yicha xizmatlar.

9. Vazirlik (idora, muassasa) va uning tarkibidagi tashkilot (muassasa) o'rtasida tovarlar (ishlar, xizmatlar)ning xarid qilinishi.

10. Sport, madaniy-ommaviy tadbirlar, ko'rgazmalar, yarmarkalar, anjumanlar, seminarlar va o'quv mashg'ulotlarini tashkil etish hamda o'tkazish uchun binolar, inshootlar va asbob-uskunalarni ijaraga olish.

11. Xorijiy mamlakatlar va xalqaro tashkilotlarning rasmiy delegatsiyalari tashriflarini ta'minlash (mehmonxona, transport xizmatlari ko'rsatish, asbob-uskunalarni ijaraga olish, oziq-ovqat ta'minoti, tarjimon xizmati), esdalik suvenirlari, sovg'alar, gullar hamda gul bilan bezatish, vakolatxonalar uchun qabullar (kechki ovqat, furshet, kofe-breyk va boshqalar) o'tkazish, konsert dasturlari, bannerlar va bukletlar tayyorlash, shuningdek, O'zbekiston Respublikasi davlat delegatsiyasining xorijiy mamlakatlarga tashrifi bilan bog'liq xarajatlar.

12. Ommaviy axborot vositalarida matbuot anjumani, brifing, mavzuli teleko'rsatuv va boshqa tadbirlarni o'tkazish, reklama joylashtirish, maqola chop etish.

13. Favqulodda holatlarda vakolatli idoralar tomonidan tasdiqlanadigan tabiat hodisalari, epidemiyalar va kasalliklar tarqalishining oldini olish yoki uning oqibatlarini bartaraf etish uchun boshqa zarur tovarlar (ishlar, xizmatlar).

14. Turar yoki noturar joyni (inshootni) xarid qilish yoki ijaraga olish, shuningdek uning ta'minoti bo'yicha ekspluatatsiya xarajatlari.

15. Tabiiy ofatlar va texnogen halokatlar oqibatlarini bartaraf etish; davlat buyurtmachisining to'laqonli faoliyat olib borishiga ta'sir ko'rsatuvchi kommunikatsiyalar, mexanizmlar, jihozlar va boshqa asbob-uskunalarining ishdan chiqishi holatlarida avariyalarni bartaraf etish uchun tovarlar (ishlar, xizmatlar).

16. Davriy nashrlar (gazetalar, jurnallar)ga, shu jumladan ularning elektron variantlariga obuna bo'lish.

17. Majburiy sug'urtalash bo'yicha hamda davlat tibbiy sug'urtasi doirasidagi xizmatlar.

18. O'zbekiston Respublikasi Sog'liqni saqlash vazirligi tomonidan davlat xaridlari sohasidagi vakolatli organ bilan kelishilgan holda tasdiqlanadigan ro'yxat bo'yicha dori vositalari va tibbiyotda qo'llaniladigan buyumlar.

19. Madaniy-ommaviy tadbirlarga chiptalar.

20. O'zbekiston kasaba uyushmalari Federatsiyasi Kengashi, vazirliklar, idoralar, davlat korxonalari va muassasalarining sihatgohlari va sog'lomlashtirish muassasalariga, shuningdek, bolalar sog'lomlashtirish oromgohlariga yo'llanmalar.

21. O'zbekiston Respublikasi ishlab chiqaruvchilari yoki ularning rasmiy dilerlari va distribyutorlaridan xarid qilingan yangi avtotransport vositalari, maxsus va qishloq ho'jaligi texnikalari.

22. Benzin, suyultirilgan va siqilgan gaz, dizel yoqilg'isi va ko'mir mahsulotlari.

23. O'zbekiston Respublikasi Vazirlar Mahkamasining zaxira fondidan, Qoraqalpog'iston Respublikasining respublika budjeti, viloyatlarning viloyat budjetlari, Toshkent shahrining shahar budjeti, tuman va shaharlar budjetlari zaxira fondlaridan ajratiladigan mablag'lar hisobidan xarid qilinadigan tovarlar (ishlar, xizmatlar).

24. Mualliflik huquqi uchun mukofotlar (mualliflik gonorari).

25. Maxsus va xizmat avtotransporti vositalarini, shuningdek, tibbiyot uskunalarini ta'mirlash bo'yicha xizmatlar.

26. Mamlakatimiz, hukumatimiz rahbarlari, xorijiy davlatlar va hukumatlar boshliqlari hamda ularning vakillarining qabullar uyiga tashrifi bilan bog'liq bo'lgan tovarlar (ishlar, xizmatlar), shu jumladan ularning yashashi, ovqatlanishi, tashkiliy-masalalarni hal etish va ushbu maqsadlar uchun ko'zda tutilgan boshqa xarajatlar.

27. Davlat xaridlari sohasidagi vakolatli organ bilan kelishilgan ro'yxat bo'yicha O'zbekiston Respublikasi Mudofaa vazirligi, Ichki ishlar vazirligi, O'zbekiston Respublikasi Davlat xavfsizlik xizmati ospitallari; davolash-profilaktika va ta'lim muassasalari; mehmonxona va restoran xizmatlari ko'rsatish; muruvvat va nogironligi bo'lgan shaxslar uylari; mehribonlik uylari va internatlar;

qariyalar uylari uchun oziq-ovqat mahsulotlari xarid qilish.

28. Xalqaro va davlatlararo darajadagi tadbirlarni tashkil etish va o'tkazish bilan bog'liq xarajatlar.

29. Shartnoma bo'yicha uning umumiy boshlang'ich summasining 10 foizidan oshmaydigan miqdordagi qo'shimcha ish va xizmatlarni amalga oshirish uchun xarajatlar.

30. Ta'lim muassasalari uchun darsliklar va o'quv-metodik jamlamalarni nashr etish (qayta nashr etish) uchun mo'ljallangan qog'oz va boshqa sarflash materiallari.

30¹. Xalq ta'limi tizimidagi umumiy o'rta va maktabdan tashqari ta'lim muassasalari uchun o'quvchilarning muhandislik, robototexnika, mexatronika va dasturiy ta'minot yo'nalishlari bo'yicha o'quv mashg'ulotlarda foydalanish hamda innovatsion ishlanmalarni amalga oshirish yuzasidan respublikada ishlab chiqarilmaydigan, xorijdan olib kelinadigan xomashyolar va jihozlar.

30². O'zbekiston Respublikasi Turizm va sport vazirligi huzuridagi futbol mahorat maktablari uchun elektron hisoblash uskunalari, o'yinlar va o'quv-mashq yig'inlarini tahlil qilish dasturiy ta'minot va uskunarlar, Xalqaro Futbol Assotsiatsiyalari Federatsiyasi talablari bo'yicha futbol to'plari, sport kiyimlari va ekipirovkalar hamda futbol uchun oyoq kiyimlar

31. O'zbekiston Respublikasi Davlat aktivlarini boshqarish agentligi va uning hududiy bo'linmalariga, shu jumladan xorijiy tashkilotlar tomonidan ko'rsatiladigan xususiylashtiriladigan yoki xo'jalik jamiyatlarining ustav fondlariga davlat ulushi sifatida o'tkaziladigan davlat aktivlarini baholash xizmatlari.

32. Davlat aksiyalar (ulushlar) paketlarini sotish hamda mahalliy va xorijiy fond birjalarida IPO (SPO) bo'yicha emissiyalarni joylashtirish uchun jalb qilinadigan investitsiya vositachilari, maslahatchilari, shu jumladan xorijiy maslahatchilarning O'zbekiston Respublikasi Davlat aktivlarini boshqarish agentligi va uning hududiy bo'linmalariga ko'rsatadigan xizmatlari.

33. O'zbekiston Respublikasi o'rmon xo'jaligi davlat qo'mitasi tizimidagi tashkilotlar tomonidan yetishtirilgan ko'chat va nihollar.

34. Xodimlari umumiy sonining kamida 50 foizi nogironligi bo'lgan shaxslardan iborat va nogironligi bo'lgan shaxslar mehnatiga haq to'lash fondi umumiy mehnatga haq to'lash fondining kamida 50 foizini tashkil etadigan yagona ishtirokchisi nogironligi bo'lgan shaxslarning jamoat birlashmalari hisoblangan yuridik shaxslardan, ular uchun belgilangan tartibda ajratilgan kvotalar doirasida tovarlarni (ishlarni, xizmatlarni) xarid qilish.

35. O'zbekiston Respublikasi Prezidenti Administratsiyasining Davlat rezidensiyalariga xizmat ko'rsatish va tadbirlarni tashkil etish boshqarmasi tuzilmasiga kiradigan davlat rezidensiyalari hududlarini obodonlashtirish va ko'kalamzorlashtirish uchun hukumat qarorlari va topshiriqlari asosida, shu jumladan pudratchilar tomonidan, ushbu maqsadlarga ajratilgan mablag'lar hisobiga tovarlar (ishlar, xizmatlar) xarid qilish.

36. Davlat va strategik buyurtmachining ishlab chiqarish faoliyatida foydalanish uchun boshqa yetkazib beruvchi tomonidan mahsulot yetkazib berish imkoniyati bo'lmagan taqdirda litsenziya bitumiga (shartnomasiga, kontraktiga) asosan tovarlar (ishlar, xizmatlar)ning intellektual faoliyat natijalari muallifidan yoki intellektual faoliyat natijalaridan mutlaq foydalanish huquqiga

ega yetkazib beruvchidan, shuningdek, fan, adabiyot va san'at asarlari, ijrolar, fonogrammalar, efir yoki kabel orqali ko'rsatuv yoxud eshittirish beruvchi tashkilotlarning ko'rsatuvlari yoki eshittirishlari kabi intellektual faoliyat natijalarining ushbu intellektual mulk obyektlariga nisbatan mutlaq huquqqa ega bo'lgan yagona shaxsdan davlat xaridlari.

37. O'zbekiston Respublikasi turizm salohiyatini targ'ib qilishga yo'naltirilgan xorijiy kompaniyalarning prodyuserlik va reklama xizmatlari, xorijiy teleradiokompaniyalar va boshqa ommaviy axborot vositalarining reklamalar, reportajlar va boshqa roliklarni tayyorlash va translatsiya qilish bo'yicha xizmatlari.

38. Ilmiy faoliyatga oid davlat dasturlari loyihalarini bajarishda ishtirok etuvchi budget tashkilotlari tomonidan tadqiqotlar o'tkazish maqsadida reaktivlar va reagentlar xarid qilish.

39. Texnik tartibga solish sohasidagi milliy normativ hujjatlar, davlat standartlarini ishlab chiqish va qayta ishlash, shuningdek, shaharsozlik faoliyati sohasidagi xorijiy normativ hujjatlarni moslashtirish.

40. Mutaxassislarni xorijda tayyorlash va vatandoshlar bilan muloqot qilish bo'yicha "El-yurt umidi" jamg'armasi tomonidan ta'lim dasturlarini tashkil etish, respublikaga xorijiy olim va mutaxassislarni, shu jumladan vatandoshlarni jalb etish xizmatlari.

41. O'zbekiston Respublikasi Vazirlar Mahkamasi huzuridagi O'zbekistondagi Islom sivilizatsiyasi markazi muzeyi ekspozitsiyasi, muzey va kutubxona fondlarini shakllantirish maqsadida xorijda va O'zbekistonda tayyorlanadigan ekspонатlar, san'at asarlari, suratlar, haykallar va byustlar, gilamlar, matolar, qo'lyozmalar va nashr asarlari nusxalari, xaritalar, pannolar, stendlar, video-audio va yuqori texnologik namoyishlar uchun materiallarning xaridi.

42. Monopolist korxonalar va (yoki) ustav fondi (kapitali)da davlat ulushi 50 foiz va undan ortiq bo'lgan yuridik shaxs, ustav fondi (kapitali)ning 50 foizi va undan ortig'i ustav fondi (kapitali)da davlat ulushi 50 foiz va undan ortiq bo'lgan yuridik shaxsga tegishli bo'lgan yuridik shaxs tomonidan birja savdolarida sotilayotgan mahsulotlarni xaridorlarga affillangan shaxs bo'lgan tashish xizmatini ko'rsatuvchi korxonalarining avtotransportda tashish xizmatlari.

43. Oliy ta'lim muassasalari tomonidan xorijiy davlatlardan o'quv va ilmiy adabiyotlar, darsliklar hamda o'quv qo'llanmalarni (mualliflik huquqi bo'lgan ishlab chiqaruvchilardan), sarflanadigan laboratoriya materiallari (reaktivlar, kimyoviy idish, butlovchi, biologik materiallar va boshqa obyektlar) xarid qilish.